

CAROLVS STEPHANVS
medicus, lectori salutem.

Quas inspicies inter legendum in his opusculis passim depicetas Nauium, Vestium ac Vascularum figuras, Lector, eas scito quum ex antiquissimis monumentis, tum maximè ex uetustioribus illis marmoribus, quæ etiā hodie Romæ conspiciuntur, desumptas fuisse. Quæ quodd & erant antiquissima, & morem ueterum promptius atque apertius (iis præsertim qui sunt antiquitatis studiosi) reuocare uidebantur, suis locis, ut uides, insertæ sunt. Nolim autem te tantam iis fidem adhibere, ut ad unguem effictas fuisse credas etiam in ipsis marmoribus. Id enim nō ignoramus, marmora quantumuis antiqua, non nihil interdum habere, quod artificis libidini potius quam ueritati respondeat. Vnde plurimum deceptos credimus eos, qui certitudinis aliquid in marmorum antiquorum statuis haec tenus posuerunt: Cuiusmodi quiddam in triremi uidere poteris, quæ certè Bayfii iudicio, triremibus antiquorum non respondet. Qui enim fieri posset, ut ea ratione *τετρακοντηγόνα*, quæ quadraginta ordinum nauis dici potest, in mari nauigare posset: Tibi itaque tantum hoc referre possumus Lector, eam propémodum quam uides nauium atque aliarum rerum formam ex antiquissimis marmoribus ad expressam effigiem translatam: iudicium autem, quandò incertissimum uisum est, doctis relictum fuisse: nobis in hoc negocio haud parum satisfecisse demum existimati, si tibi tuisc̄ studiis nostram hanc medium diligentiam placuisse & iuuuisse cognouerimus.

Vale.